

# AR REPUBLIK GAOUIAD

Ar republik a zo gaouiad,  
Tad ar gevier a c'he he zad;  
Gevier hi a laro bepred  
Evit bourda ar re a gred.

Laret a ra d'ar veterien  
Vezo marc'had mad ann holen,  
Ar butun hag ar guin-ardant  
Vo evit neubeut a arc'hant.

Hi lavar d'ann artizanet  
Penoz e vezont wel beet,  
Ha kavet neubeutoc'h a boan;  
Evuruz vezoz bep unan!

Hi lavar ho po liberte!  
Ia! da gât naon noz ha beurre  
Gant ho pugale a vandenn,  
Ma c'heuz nemet-he d'ho soutenn.

Ar re oa skanvik ho brago,  
Vit sevél ezet er c'hargo,  
Deuz kavet brema ar voyen  
Da laret c'hint *republiken*.

Brezel a reont d'ar plaso;  
Lampat a reont er c'hargo:  
Evel brini n'eur parkad ed  
War ar Frans kez e c'hint koet.

Ar plaso na vont ken roet  
Nemet d'ar republikanet;  
Kredet hardi hi deui a-benn:  
D'he ar c'haouled, dec'h ar c'heujen.

Gwechall lerer oa despotet,  
Gwelet a ran a zo bepret!!  
Ann despotet koz oa ezen  
En kichen ar re zo o ren.

Evel Turket e kommandont,  
Zodi ann dud kez a reont:  
Ann dud honest zo er plaso  
A gren brema 'n'ho olli vempo.

21

Vel piz er pod e vent kasset  
Skuiz e ho diou c'har o redek,  
Ha goullo deu ho godello  
O redek pevar c'horn ar vro.

Gant-he man 'r ialc'h hag ann arc'hant  
Da rei d'ar re ho devo c'hoant;  
Ma ne zoc'h ket *republikan*  
Vezet laket er paë bihan.

Ren ar Republik, eme-z-ho,  
E loden neubeuta hon bro;  
Ze a zo ezet da gompreñ:  
Ann oll blaso zo d'he a-grenn.

Ann ter loden all a c'hallo  
Huanadi ha skuill daëro;  
N'ho devo ken man da ober,  
Ma deve peuc'h, ze a vo kaer.

Kalz a draou a vo dà baea  
Ha potred treud vo da larda;  
P'ho devo oll gret ha disc'hret,  
Ni a baeo ar gwer torret.

Frans na n'eo ken d'ar Fransijen :  
War-n-hi man bep distaoladen;  
Ha Frans d'ar re-ze n'eo netra,  
Gant ma kresko ho feadra.

Na c'houler ken a gouencho,  
(Skuiz ver o klewet pedenno,)  
Na kenneubeut euz ar frerien  
Zo gant-he skol vad ha kristen.

Ann dud gwe ansao eun Doue,  
Bep rum ann-he den euz he se;  
Allaz! ar republikanet  
N'ansavont ken Doue ebet.

Arme, justis ha beleien  
Laka ann-he dargoll ho fenn;  
Troet ho deuz ho c'harante  
War-zu ann-touerien Doue!

Pa na gar ket ann den Doue,  
Piou a fell dec'h-hu e garfe?  
En em garet ra e-unan,  
Wit ar re all dàl ket ar boan.

Ar levrio fall, ar c'helio  
Ho deuz ampoezonet malbro;  
Ar skolio fall a deu goude  
Da vouga Frans enn beo-bue.

Eur potr koz fin, Thiers, a lare  
D'ann oll deputeet eun de :  
*Ar republik* pell a bado,  
Ma n'ra ket re a sotizo.

Pell zo braz e man o c'hoari  
Gant hon danve dindan hon fri ;  
Mouga e rei ar liberte,  
Hag ar goad a redo goude.

Laret a rer e fineomp ;  
'Re goz oa finoc'h evidomp :  
Hi a glaske kavet tra vad,  
Ha ni gant bep sort a ra stad.

Allaz ! hirie eo red kompta,  
Ar vadelez dal ken netra ;  
Mado, skiant, madobero  
Vo laret de-z-he : harao !

Dek pillauer enn eur c'hoste,  
Nao den gwiek enn egile ;  
Ar stouperien a gommando  
Pa zigoueont dek eneb nao.

Man *republik* enn malarje  
Ar c'hoarais a deuio goude.  
Diez vo d'ar *republiken*  
Ma ve red ober pinijen.

Gwech all a oa ann drapo gwenn,  
Hirie tri liou enn he gerc'hen !  
Darn a c'houlen ann drapo *ru*,  
Goude deui prim ann hini *du*.

Da dougen kanvo d'hon bro gez !  
Fransijen, ruiet gant ar vez !  
Ankoeet ho c'heuz ho Toue,  
Ha losket enn awel ho fe !

Ar Frans prestik a zivevo  
A welo skaer he fapero,  
Hag a zistroio euz Doue  
Da vean euruz adarre.

ERVOAN HERNOT.